

# Bestgas raffinadas cun nausch renum?

Ina exposiziun speziala en il Museum da la natira dal Grischun

■ (anr/grc) **Strusch insatgi che sa tge utschels che appartegnan propi a la famiglia dals corvs. L'exposiziun en il Museum da la natira a Cuira dat infurmaziuns.** «Corvs, bestgas raffinadas cun nausch renum», uschè sa numna l'exposiziun speziala en il Museum da la natira a Cuira che dura dals 7 da favrer en fin ils 27 d'avrigl 2008. Tar questa famiglia s'audan ils corvs gronds e las cratschlas che s'audan tar questa famiglia. Tgi ch'è già stà avant 40 onns per exempel sin il Péz Bavregn ed ha pudì far cas che il curnagl sgulava antruras sin distanza manaivla è quai oz uschia ch'ins sto esser led che quels n'engolan betg l'andutgel or dal maun – quel ha badà ch'i tracta d'animals che s'adattan a la civilisaziun: «Praticamain sco primats che fan sezs utensils per tschiffar preda», sco umans e schingias antropomorfes sco che il pedagog da museum *Flurin Camenisch* ha fatg a savai ier a Cuira a chaschun d'ina conferenza als meds da massa.

## Relaziun tranter l'uman ed il corv

Admirà sco corv sabi, discredità sco magliacadavers, venerà sco utschè dals dieus e persequità sco parasit: La relaziun tranter uman e corv è fitg differenta. L'exposiziun dals 7 da favrer fin ils 27 d'avrigl 2008 en il Museum da la natira dal Grischun a Cuira «corvs – bestgas raffinadas cun nausch renum» dilucidescha la relaziun ambivalenta tranter ils umans e quest utschè. L'exposi-

ziun è vegnida realisada cuminaivlamain dals museums da la natira dad Olten e da Son Gagl.

Ils corvs han in renum dal tuttafatg different en las differentas culturas: Per intgins pievels eran els curriers dals dieus, per auters percenter purtavan els sventira e disgrazia. En il temp tempriv vegnivan els cunzunt venerads: Corvs vegnivan considerads sco animals sontgs. Lur clom e lur sgol preschevan l'andament d'eveniments impurtants. La midada culturala da l'utschè dals dieus al canagl ha cumenzà cun il giudaissem e cun il cristianissem. Già en il Vegl Testament vegnan ils corvs considerads sco malnets e nauschs. Cun il temp è uschia daventà or da l'animal sontg l'incarnaziun dal nausch. Plinavant era sia colur naira in simbol per la mort. Ultra dals aspects istoric-culturali dilucidescha l'exposiziun las abilitads particularas dals corvs che tutgan, pervi da lur bun dun receptiv e da lur abilitad d'emprender sorprendenta, tar ils utschels ils pli intelligents. En

Svizra vivan diesch spezias da corvs indigenas: Ultra dals corvs (corv nair, corv grisch, corv champester, corvagli) e dals corvs gronds èn quai las cratschlas (sgragia, cratschla), ils curnagls (curnagl, curnagl grisch) sco er la giazla.

## Objects e fotografias

Cun objects d'exposiziun da grond effect e cun fotografias impressiunantas intermediarias l'exposiziun ina interessanta invista en moda e maniera da viver da las spezias indigenas e demussa ils motivs per ils conflicts cun quests utschels.

L'exposiziun è vegnida cumplettada cun divers preparats da corvs exotics ed indigeni. Ultra da quai pon vegnir admirads disegns creads cun amur dad *Ueli Iff*, illustratur da Wabern tar Bern.

**L'exposiziun speziala «corvs» cuntogna er in ritg program accompagnant per grond e pitschen. Infurmaziuns chattais Vus er sut [www.naturmuseum.gr.ch](http://www.naturmuseum.gr.ch).**

## Pliras occurrenzas davart il corv

Ultra da l'exposiziun vegnan purschids referats ed autras occurrenzas per uffants e creschids: Mesemna, ils 12 da mars 2008 referescha Flurin Camenisch per uffants e per giuvenils. «Rendez-vous am Mittag» sa numna l'occurrenza da mesemna, ils 19 da mars

2008 da las 12.30 – 13.30 cun *Hans Huckebein & co.* – guid tras l'exposiziun speziala cun Flurin Camenisch. Paraulas d'animals, surtut corvs vegnan quintadas ad uffants a partir da tschintg onns mesemna, ils 2 d'avrigl 2008 a las 17.00 da *Stephanie Wagner*.



Flurin Camenisch declera la famiglia dals corvs cun agid da l'exposiziun speziala en il Museum da la natira a Cuira.